

41	Vogarþol 100 kg eða minna .....	kr. 15.00
10. marz	— 300 kg eða minna .....	— 20.00
	— 600 kg eða minna .....	— 25.00
	— yfir 600 kg .....	— 40.00
3.	Kvarðar.	
	Lengd $\frac{1}{2}$ m til 1 m .....	— 1.50
4.	Mæliker.	
	Stærð $\frac{1}{2}$ lítri eða minna .....	— 1.50
	— yfir $\frac{1}{2}$ lítri .....	— 2.40
	Síldarmál 50 lítrar til 150 lítrar .....	— 25.00
	— 300 lítrar .....	— 50.00
	Löndunartæki 150 til 300 lítrar .....	— 75.00

## 3. gr.

Ef löggilding eða eftirlit fer ekki fram á Löggildingarstofunni, eða á hinum reglu-  
legu eftirlitsferðum, reiknast auk ferðakostnaðar, kaupgjald fyrir starfsmenn Lög-  
gildingarstofunnar, kr. 6.00 um klukkustund eða brot úr klukkustund, þó ekki meir  
en kr. 48.00 á dag, að viðbætti lögmaetri verðlagsuppbót.

Gjaldskrá þessi er hér með sett samkvæmt 5. gr. tilskipunar nr. 1 13. marz 1925,  
um mælitæki og vogaráhöld, til þess að öðlast þegar gildi, og birtist til eftirbreytni  
öllum þeim, sem hlut eiga að máli.

Jafnframt fellur úr gildi gjaldskrá nr. 179 31. des. 1946, um sama efni.

*Atvinnumálaráðuneytið, 10. marz 1949.*

**Bjarni Ásgeirsson.**

*Þorv. K. Þorsteinsson.*

42

12. marz

**REGLUGERÐ**

fyrir Hjúkrunarkvinnaskóla Íslands.

## I. KAFLI

## Hlutverk skólans.

## 1. gr.

Hlutverk skólans er að ala upp hæfar hjúkrunarkonur og mennta þær sem bezt  
til þess að vinna hjúkrunarstörf hér á landi.

## II. KAFLI

## Stjórn skólans.

## 2. gr.

Stjórn skólans annast 5 manna skólanefnd undir yfirstjórn ráðherra.

## 3. gr.

Forstöðukona skólans hefur umsjón með starfi og rekstri skólans, svo og eftir-  
lit með kennurum og nemendum.

## 4. gr.

Stjórnarnefnd ríkisspítalanna hefur á hendi fjárreiður skólans.

### III. KAFLI

#### Inntökuskilyrði.

42

12. marz

## 5. gr.

Nemendur skulu við inntöku í skólann vera a. m. k. átján ára og ekki yfir þrítugt. Þó getur skólanefnd veitt lítilsháttar tilslakanir frá þessum aldursákvæðum, ef sérstakar ástæður eru fyrir hendi.

## 6. gr.

Umsækjendur skulu vera heilir heilsu og gæddir því andlegu og líkamlegu atgervi, að þeir séu líklegir til námsins, svo og til hjúkrunarkvennastarfa. Auk almennrar góðrar heilbrigði er lögð áhersla á góða greind, gott siðferði og reglusemi.

Fara skal fram nákvæm rannsókn á heilbrigðisástandi nemenda, áður en þeim er veitt inntaka í skólann.

## 7. gr.

Umsækjendur skulu hafa lokið miðskólaprófi eða færa sönnur á, að þeir hafi hlotið hliðstæða menntun. Umsækjendur, sem hafa hlotið frekari menntun, skulu ganga fyrir að öðru jöfnu.

## 8. gr.

Krafizt er eiginhandar umsókna um inntöku í skólann, og skal senda þær til forstöðukonu skólans eigi síðar en 8 vikum áður en hvert námstímabil hefst.

Umsóknum skal fylgja heilbrigðisvottorð og prófvottorð.

Forstöðukona úrskurðar umsóknir í samráði við skólanefnd.

## 9. gr.

Sex fyrstu mánuðir í skólanum teljast reynslutími, og er heimilt að vísa nemendum burt að þeim tíma loknum, ef þeir reynast óhæfir til náms eða starfs, sem því er samfara.

### IV. KAFLI

#### Kennsla.

## 10. gr.

Námstími er 3 ár og 2 mánuðir, og hefst nýtt námstímabil tvisvar á ári, 1. janúar og 1. ágúst.

Kennsla er bæði bókleg og verkleg. Verkleg kennsla fer fram í Landsspítalanum og í öðrum ríkisspítölum og sjúkrahúsum eftir nánari ákvörðun skólanefndar. Verklegu námi skal hagað svo sem hér segir:

Lyflæknisdeild .....	7	mán.
Handlæknisdeild .....	6½	—
Fæðingardeild .....	2	—
Kvensjúkdómadeild .....	2	—
Húð- og kynsjúkdómadeild .....	2	—
Skurð- og slystofa .....	3	—
Berklahæli .....	2	—
Geðveikrahæli .....	3	—
Önnur sjúkrahús (barnasjúkdómadeild og farsóttahús) ....	6	—

---

33½ mán.

Verklegu námi er skipt á öll námsárin eftir ákvörðunum skólanefndar í samráði við forstöðukonu skólans.

42

11. gr.

12. marz

Bóklegt nám fer fram í þremur námskeiðum, einu á hverju ári, og fellur þá niður verklegt nám hlutaðeiganda á sjúkradeildum.

Fyrsta námskeið, forskóli, stendur yfir í 8 vikur í byrjun hvers námstímabils, og skal skipta námsgreinum á milli kennslustunda sem hér segir:

Lífærafræði og lífeðlisfræði .....	4	stundir á viku.
Heilsufræði .....	2	„
Sýklafræði .....	2	„
Efnafræði .....	2	„
Hjálp í viðlögum .....	2	„
Hjúkrunarsíðfræði .....	2	„
Hjúkrunarfræði .....	4	„
Verklegt nám og æfingar .....	12	„
Ritgerðir .....	2	„

---

32 stundir á viku.

Annað námskeið stendur yfir í 6 vikur og hefst 1. marz og 1. október á öðru námsári, og skal námsgreinum skipt þannig milli kennslustunda:

Handlæknisfræði .....	4	stundir á viku.
Lyflæknisfræði .....	4	„
Sjúkdómafræði .....	2	„
Lyfjafræði .....	2	„
Hjúkrunarfræði .....	6	„
Hjúkrunarsaga .....	2	„
Kvensjúkdómafræði og fæðingarhjálp .....	3	„
Geðsjúkdómafræði .....	2	„
Sálarfræði .....	2	„
Næringarefnafræði .....	2	„
Sjúkramatreiðsla .....	4	„

---

33 stundir á viku.

Þriðja námskeið stendur yfir í 4 vikur á þriðja námsári og hefst 15. nóvember og 15. apríl, og skal námsgreinum skipt þannig milli kennslustunda:

Handlæknisfræði .....	4	stundir á viku.
Lyflæknisfræði .....	4	„
Barnasjúkdómafræði .....	2	„
Lyfjafræði .....	1	„
Húð- og kynsjúkdómafræði .....	2	„
Augnsjúkdómafræði .....	1	„
Háls-, eyrna- og nefsjúkdómafræði .....	2	„
Berklasjúkdómafræði .....	1	„
Almenn heilsuvernd .....	5	„
Félagsfræði .....	2	„
Almenn hjúkrunarfræði .....	8	„
Spítalastjórn .....	1	„

---

33 stundir á viku.

12. gr.

Nemendur, sem lokið hafa prófi hjá Hjúkrunarkvinnaskóla Íslands og unnið á viðurkenndum sjúkradeildum að geðveikrahjúkrun, barnahjúkrun, skurðstofuhjúkr-

un, farsóttahjúkrun, röntgenstörfum o. s. frv., enn fremur á heilsuverndarstöðvum 42  
í 1—2 ár, geta sótt um viðurkenningu í þessum sérgreinum til skólanefndar, sem 12. marz  
veitir slíkar viðurkenningar. Umsóknnum skal fylgja prófvottorð, ef til eru, og vottorð  
frá yfirhjúkrunarkonu viðkomandi stofnunar.

## 13. gr.

Skólanum er heimilt að halda uppi sérnámskeiðum í hjúkrunarfræðum fyrir ljósmæður, í því skyni að gera þær hæfar til þess að taka að sér hjúkrun í umdæmum sínum ásamt ljósmóðurstörfum. Fer um tilhögun námsins eftir sérstakri reglugerð í samráði við forstöðukonu Ljósmæðraskólans.

## V. KAFLI

## Próf.

## 14. gr.

Próf er í þrennu lagi. Fyrst, er forskóla lýkur, og skal þá prófað í öllum námsgreinum nema líffærafræði og lífeðlisfræði. Niðurstaða prófa og starfsleikni nemanda skal ráða úrslitum um, hvort hann sé fær um að halda áfram námi að reynslutíma loknum. Forskólaeinkunnir teljast ekki með fullnaðarprófseinkunnum.

Í byrjun annars námskeiðs skal prófað í líffæra- og lífeðlisfræði, og er það fullnaðarpróf í þeim námsgreinum.

Loks er fullnaðarpróf, og skal því lokið 15. desember og 15. maí ár hvert.

Um fyrirkomulag prófa ákveður forstöðukona skólans í samráði við skólanefnd að fengnum tillögum kennara.

## 15. gr.

Kennarar skólans prófa, en landlæknir skipar sérfróða prófdómara.

## 16. gr.

Einkunnir skal gefa í heilum og hálfum tölum frá 0 og upp í 10. Aðaleinkunn skal finna með því að taka meðaltal af einkunnum allra námsgreina.

## 17. gr.

Til þess að standast fullnaðarpróf þarf aðaleinkunnina 5 og ekki lægra en 4 í líffærafræði, lífeðlisfræði, handlæknisfræði, lyflæknisfræði og hjúkrunarfræði, og ekki lægra en 1 í neinni annarri námsgrein.

## 18. gr.

Ef nemandi stentz ekki próf og æskir að reyna aftur, skal skólanefnd ákveða, að fengnum tillögum forstöðukonu skólans, hvort leyfa skuli, svo og hve fljótt og hve mikið af prófinu nemandinn skuli þreyta aftur.

## 19. gr.

Hver sá nemandi, sem staðizt hefur próf, skal fá skirteini, er sýni aðaleinkunn og fullnaðareinkunn í hverri grein.

## VI. KAFLI

## Nemendur.

## 20. gr.

Nemendur skulu temja sér þrúðmannlega framkomu í skólanum og utan hans og rækja nám sitt með alúð og stundvísi.

## 21. gr.

Ef nemandi hegðar sér ósæmilega, gerir sig sekan um megna vanrækslu eða vist hans í skólanum telst skaðleg fyrir skólann eða gaagnslaus honum sjálfum að áliti forstöðukonu og kennara, má víkja honum burt úr skólanum um stundarsakir. En telji kennarafundur nauðsynlegt að vísa honum úr skólanum að fullu og öllu, skal til þess leita samþykkis skólanefndar.

## 22. gr.

Um launakjör og hlunnindi nemenda skal ákveðið með sérstökum samningi á milli Félags íslenskra hjúkrunarkvenna annars vegar og viðkomandi sjúkrahúsa hins vegar, og skulu samningar lagðir fyrir skólanefnd til samþykkis.

## VII. KAFLI

## Kennarar.

## 23. gr.

Við skólann skal, auk forstöðukonu, vera ein föst kennslukona. Skólanefnd ræður aðra kennara eftir þörfum skólans að fenginni tillögu forstöðukonu.

## 24. gr.

Forstöðukona hefur á hendi stjórn skólans og tekur þátt í kennslunni. Enn fremur hefur hún eftirlit með nemendum og kennslu, bæði bókglegri og verklegri, og skal sjá um, að nemendur njóti leiðsagnar við störf sín á sjúkradeildum. Hún skal og hafa eftirlit með munum skólans og áhöldum. Hún kallar saman kennarafundi, þegar þurfa þykir, og stjórnar þeim. Hin fasta kennslukona skal auk venjulegra kennslustarfa vera forstöðukonunni til aðstoðar við störf hennar.

## 25. gr.

Reglugerð nr. 82 22. ágúst 1932, er úr gildi felld að því leyti, sem hún fjallar um Hjúkrunarkvinnaskóla Íslands.

Reglugerð þessi öðlast gildi þegar í stað.

Þetta birtist hér með til eftirbreytni öllum þeim, sem hlut eiga að máli.

*Heilbrigðismálaráðuneytið, 12. marz 1949.*

**Eysteinn Jónsson.**

*Gústav A. Jónasson.*